

Умридан барака топаётганлар 3



Ойга, кунга йўлдошсиз... 4

Акалик қадри пул билан ўлчанадими? 6



«Уэр, ёшлик қилибмиз»...



БУ МУҚАДДАС ВАТАНДА АЗИЗДИР ИНСОН!



Муҳаммад РАҲМОН

*Жони-тани, фикри солим,
Бири — толиб,
бири — олим.
Шоҳсупада бири ғолиб,
Боши эгик, хам бўлмайти.*

*Дунё кенгдир —
Париж, Пекин...
Кўраверар секин-секин.
Кўнглига юртидай лекин
Бирор юрт
малҳам бўлмайти.*

*Қилиб дунё даъвойини,
Билгани соз “ховою”ни...
Ўқиб турса Навоийни,
Бу болалар кам бўлмайти!*

Маъраб НУРИНБОЕВ
сурат-лавҳаси.

Муносабат

ХОТИРА МУҚАДДАС, ҚАДР УЛУҒДИР


Халқимизнинг ажойиб урф-одат, таомиллари бор. Эзгуликка даҳлдор бўлган инсонлар номини эъзозлаш ва уларнинг амалга оширган хайрли ишларини эътироф этмоқни ҳамиша қадрлаймиз. Шу маънода, муҳтарам Юртбошимизнинг “Иккинчи жаҳон уруши қатнашчиларини рағбатлантириш тўғрисида”ги Фармони барчамизни, айниқса, биз — нуруний кексаларни ниҳоятда қувонтирди. Чунки биламизки, истиқлол йилларида, бевоСИТА Президентимиз ташаббуси билан 9 майнинг юртимизда Хотира ва қадрлаш куни сифатида нишонланиши айнан инсонни улуглашдек энг савобли амалга даҳлдор эканлиги билан қимматлидир.

Албатта, бугунги дориломон кунлар, тинч-осойишталик барқарор бўлган бахтли, саодатли замонлар ўз-ўзидан келгани йўқ. Бу кунларга етганлар бор, етмаганлар бор. Лекин ана шундай фарахбахш давронларга етиб келмоқ учун қанчалаб юртдошларимизнинг гулдек ҳаёти, умри совирилган. Биз муборак номлари зарҳал ҳарфларда битилган мард ва жасур авлодларимиз билан ҳар қанча фахрлансак арзийди.

Йиллар ўтгани сайин, уруш ва талотум даврларнинг тирик гувоҳлари бўлмиш фариштаСИФАТ бобо-момоларимиз сафи аста-секин камайиб бораяпти. Биргина Шаҳрисабз туманида бугунги кунда 70 нафар иккинчи жаҳон уруши иштирокчиси, икки минга яқин фронт ортида ишлаган кексалар умргузаронлик қилишмоқда. Уларни моддий ва маънавий жиҳатдан қўллаб-қувватлаш билан бирга, 9 май арафасида таълим муассасалари ўқувчилари ва кенг жамоатчилик иштирокида ўтказиладиган маърифий тадбирларга таклиф этамиз.

Энг қувончлиси, бугун ва келажак ўртасида “хотира кўприги” бўлиб, файзиёб кунларни алқаётган, юртимизга куну тун Яратгандан тинчлик, омонлик сўраб, шўқрона айтаётган нуруний отахон ва онахонларнинг хурмат-иззатини жойига қўйишдек улуг туйғуларни ёшларимиз қалбига сингдиришга алоҳида эътибор қаратаямиз.

Боқижон ЭРГАШЕВ,
“Нуруний” жамғармасининг
Шаҳрисабз туман бўлимаси
кенгаши раиси.



«МАТБУОТ ТАРҚАТУВЧИ»

АКЦИЯДОРЛИК КОМПАНИЯСИ —
ДОИМИЙ ҲАМКОРИМИЗ!

